



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆ

Հասցե՝ ք. Արթուրյան, Կոտայքի փողոց 8 շենք
Հեռ.՝ (+374 222) 2-01-63
Էլ. հասցե՝ kotayq@court.am

N ԴԴ-23 Ե-_____
ԿԴ/12075/02/23
25.01.2024թ.

Հայցվոր՝ ՍՄԻԼ Ինշուրնա» ԱՄՊԸ-ի
Ներկայացուցիչ Վահե Աստվածատրյանին
ք. Երևան, Մ. Հեքացու 16/37

Պատասխանող՝ Մաջիտ Ֆարզի Ամարյան ին
ՀՀ Կոտայքի մարզ, գ. Զովունի, 2 փ. 13 տ.

Ներկայացուցիչ՝ Հովհաննես Սարգսյանին
Կոտայք, Եղվարդ, Զովունի 1 փողոց 133 շենք

Ուղարկվում է ՀՀ Կոտայքի մարզի առաջին աստիճանի ընդհանուր իրավասության դատարանի թիվ ԿԴ/12075/02/23 քաղաքացիական գործով 25.01.2024թ. կայացրած «Պատասխանողին փոխարինելու վերաբերյալ» որոշումը:

ՊԱՐԶԱԲԱՆՈՒՄ

ՀՀ քաղաքացիական դատավարության օրենսգրքի 139-րդ հոդվածի համաձայն՝ Պատասխանողը հայցադիմումը վարույթ ընդունելու մասին որոշումն ստանալուց հետո՝ երկշաբաթյա ժամկետում, դատարան է ներկայացնում հայցադիմումի պատասխան: Հայցադիմումի պատասխանը ներկայացվում է գրավոր՝ սույն օրենսգրքի 16-րդ հոդվածի 2-րդ մասում նշված պահանջների պահպանմամբ: Հայցադիմումի պատասխանը պետք է լինի ընթերցելի: Ելնելով գործի առանձնահատկություններից՝ դատարանը կարող է պատասխանողի միջնորդությամբ երկարաձգել պատասխան ներկայացնելու ժամկետը:

2. Հայցադիմումի պատասխանը պետք է պարունակի՝

1) դատարանի անվանումը, որին ներկայացվել է հայցադիմումը,

2) գործի համարը,

3) պատասխանողի անունը (անվանումը), հաշվառման (գտնվելու) հասցեն, ծանուցման հասցեն (եթե այն տարբերվում է հաշվառման (գտնվելու) հասցեից), պատասխանող քաղաքացու անձնագրային տվյալները, պատասխանող իրավաբանական անձի պետական գրանցման համարը,

4) գործին մասնակցող այլ անձանց անունը (անվանումը),

5) հայցադիմումում ներկայացված պահանջը ընդունելու կամ դրա դեմ մասնակի կամ ամբողջությամբ առարկելու մասին դիրքորոշումը,

6) հայցի փաստական հիմքերի վերաբերյալ դիրքորոշումը,

7) պատասխանի (առարկությունների) հիմքում դրված փաստերը,

8) հայցադիմումի պատասխանին կից ներկայացվող փաստաթղթերի և ապացույցների ցանկը:

3. Պատասխանում կարող են նշվել՝

1) վիճելի իրավահարաբերության նկատմամբ կիրառման ենթակա իրավական նորմերը.

2) այն ապացույցները, որոնք հաստատում են առարկությունների հիմքում դրված փաստերից յուրաքանչյուրը՝ համապատասխան նշումով, թե որ ապացույցն ինչ փաստի հաստատմանն է ուղղված.

3) պատասխանողի միջնորդությունները.

4) այլ տեղեկություններ, որոնք նշանակություն ունեն գործի քննության և լուծման համար.

5) էլեկտրոնային հաղորդակցության միջոցի վերաբերյալ տեղեկությունը՝ ծանուցումն այդ միջոցով իրականացնելու միջնորդությամբ:

4. Պատասխանը ստորագրում է պատասխանողը կամ նրա ներկայացուցիչը: Ներկայացուցչի ստորագրած պատասխանին կցվում է նրա լիազորությունը հավաստող փաստաթուղթը և անձը հաստատող փաստաթղթի պատճենը, եթե դրանք նախկինում տվյալ գործով չեն ներկայացվել: Ներկայացուցչի լիազորությունը հավաստող փաստաթղթի բացակայության դեպքում պատասխանը համարվում է չներկայացված, եթե նախնական դատական նիստի ընթացքում պատասխանողը չի հաստատում պատասխանը, կամ չի ներկայացվում ներկայացուցչի լիազորությունը հավաստող փաստաթուղթ:

5. Պատասխանին կցվում են հայցադիմումի պատասխանը, կից ներկայացվող փաստաթղթերը և ապացույցները գործին մասնակցող անձանց ուղարկելը հավաստող ապացույցները: Եթե պատասխանին կից ներկայացված ապացույցները ծավալուն են, ապա հայցադիմումի պատասխանին կցվում են գործին մասնակցող անձանց՝ հայցադիմումի պատասխանն ուղարկելը հավաստող ապացույցներ:

6. Պատասխանին կից սույն օրենսգրքով սահմանված կարգով կարող են ներկայացնել պատասխանի հիմքում դրված փաստերը հաստատող ապացույցներ:

7. Սույն հոդվածի 2-րդ, 4-րդ և 5-րդ մասերի պահանջների խախտմամբ ներկայացված պատասխանը համարվում է չներկայացված:

ՀՀ քաղաքացիական դատավարության օրենսգրքի 19-րդ հոդվածի 1-ին և 2-րդ մասերի համաձայն օրենքով նախատեսված դեպքերում գործին մասնակցող անձինք մինչև առաջին ատյանի դատարանում դատաքննության կամ վերաքննիչ դատարանում բողոքի քննության ավարտը փոխադարձ համաձայնությամբ կարող են սկսել արտոնագրված հաշտարարի մասնակցությամբ հաշտարարական գործընթաց: Օրենքով արբիտրաժին ենթակա վեճը մինչև առաջին ատյանի դատարանի կողմից դատաքննությունն ավարտվելը օրենքով սահմանված կարգով գործին մասնակցող անձանց համաձայնությամբ կարող է հանձնվել արբիտրաժի լուծմանը:

ՀՀ քաղաքացիական դատավարության օրենսգրքի 32-րդ հոդվածի համաձայն՝. Գործին մասնակցող անձինք սույն օրենսգրքի և այլ օրենքների պահանջների պահպանմամբ, իրավունք ունեն՝

1) ծանոթանալու գործի նյութերին, ստանալու դրանց պատճենները, գործի նյութերից անելու քաղվածքներ, լուսանկարներ, լուսապատճեններ և պատճեններ.

2) հայտնելու բացարկ.

3) ներկայացնելու ապացույցներ և մասնակցելու դրանց հետազոտմանը.

4) հարցեր տալու դատավարության մասնակիցներին.

5) միջնորդություններ անելու, ցուցմունքներ տալու դատարանին.

6) դատական նիստի ընթացքում ծագող բոլոր հարցերի վերաբերյալ ներկայացնելու իրենց փաստարկները և դիրքորոշումը.

7) գործի քննության ընթացքում դիրքորոշում հայտնելու գործին մասնակցող այլ անձանց միջնորդությունների և փաստարկների վերաբերյալ.

8) բողոքարկելու դատական ակտերը.

9) կատարելու սույն օրենսգրքով կամ այլ օրենքներով նախատեսված այլ դատավարական գործողություններ:

ՀՀ քաղաքացիական դատավարության օրենսգրքի 151-րդ հոդվածի համաձայն գործին մասնակցող անձինք դատավարության ցանկացած փուլում կարող են գործն ավարտել հաշտության համաձայնությամբ, որը ձևակերպվում է գրավոր, ստորագրում են գործին մասնակցող անձինք և ներկայացվում է դատարանի հաստատմանը:

ԴԱՏԱՎՈՐԻ ՕԳՆԱԿԱՆ

Ա.ՄԿՐՏՁՅԱՆ

Քաղաքացիական գործ
թիվ ԿԴ/12075/02/23



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԱՌԱՋԻՆ ԱՅՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ**

Պատասխանողին փոխարինելու վերաբերյալ

25.01.2024թ.

ք. Արմավյան

Հայաստանի Հանրապետության Կոտայքի մարզի առաջին ատյանի ընդհանուր իրավասության դատարանի դատավոր Ն.Թորոսյանս, քննության առնելով թիվ ԿԴ/12075/02/23 քաղաքացիական գործով հայցվոր

Պ Ա Ր Զ Ե Ց Ի

«Միլ Ինշուրնս» ապահովագրական ՍՊ ընկերությունը հայց է ներկայացրել ՀՀ Կոտայքի մարզի առաջին ատյանի ընդհանուր իրավասության քաղաքացիական դատարան (այսուհետ՝ Դատարան) դատարան ընդդեմ Մազիթ Սարգի Ամարյանի (հասցեն՝ ՀՀ Կոտայքի մարզ, գ. Զովունի, 2 փ. 13 տ., ըստ առարկության և կից անձնագրի՝ Մազիտ Ֆարգի Ամարյան, այսուհետ՝ Պատասխանող)՝ գումարի բռնագանձման պահանջի վերաբերյալ:

Քաղաքացիական գործը 07.09.2023 թվականին մակագրվել է դատավոր Ն.Թորոսյանիս:

Քաղաքացիական գործը դատավորի աշխատակազմին է հանձնվել 11.09.2023 թվականին:

Դատարանի 14.09.2023 թվականի որոշմամբ Ընկերության ընդդեմ Մազիթ Սարգի Ամարյանի՝ գումարի բռնագանձման պահանջի մասին հայցադիմումն ընդունվել է վարույթ և որոշվել է քաղաքացիական գործի քննությունն իրականացնել ՀՀ քաղաքացիական դատավարության օրենսգրքի 41-րդ գլխի կանոններով՝ պարզեցված վարույթի կարգով, իսկ Դատարանի եզրափակիչ դատական ակտը հրապարակել դատական իշխանության պաշտոնական կայքի միջոցով 15.12.2023 թվականին:

Դատարանի 14.09.2023 թվականի որոշմամբ Ընկերության միջնորդությունը՝ հայցի ապահովման միջոց կիրառելու մասին, մերժվել է:

Պատասխանողը 01.12.2023 թվականին (ներկայացվել է սահմանված ժամկետում) առարկել է ներկայացված պահանջի դեմ, որով վիճարկել է հայցի հիմքում դրված փաստերը:

Դատարանի 12.12.2023 թվականի որոշմամբ քաղաքացիական գործի քննությունը իրականացվել է պարզեցված վարույթի կարգով:

22.01.2024 թվականին հայցվորը միջնորդել է ոչ պատշաճ պատասխանող Մազիթ Սարգի Ամարյանին փոխարինել պատշաճ պատասխանող Մաջիտ Ֆարգի Ամարյանով:

ՀՀ քաղաքացիական դատավարության օրենսգրքի 172-րդ հոդվածի համաձայն՝

1. Դատարանը, մինչև նախնական դատական նիստի ավարտը պարզելով, որ հայցը հարուցվել է ոչ այն անձի դեմ, որը պետք է պատասխանի այդ հայցով, կարող է հայցվորի համաձայնությամբ թույլ տալ, որ պատասխանողը փոխարինվի պատշաճ պատասխանողով:

2. Ոչ պատշաճ պատասխանողին փոխարինելու մասին դատարանը կայացնում է որոշում՝ այն երեք օրվա ընթացքում ուղարկելով գործին մասնակցող անձանց, այդ թվում նաև ոչ պատշաճ և պատշաճ պատասխանողներին:

3. Ոչ պատշաճ պատասխանողին փոխարինելուց հետո դատարանն իրականացնում է սույն օրենսգրքի 167-րդ հոդվածով նախատեսված դատավարական գործողությունները:

4. Պատշաճ պատասխանողով փոխարինված ոչ պատշաճ պատասխանողի կրած դատական ծախսերը, անկախ գործի ելքից, ենթակա են հատուցման հայցվորի կողմից:

Հաշվի առնելով հայցվորի տնօրինչական իրավունքի իրացմամբ պայմանավորված ոչ պատշաճ պատասխանողին պատշաճ պատասխանողով փոխարինելու մասին միջնորդությունը, դատարանը գտնում է, որ Մազիթ Սարգի Ամարյանին փոխարինել պատշաճ պատասխանող Մաջիթ Ֆարգի Ամարյանով:

Ղեկավարվելով ՀՀ քաղաքացիական դատավարության օրենսգրքի 172-րդ, 188-րդ, 199-200-րդ հոդվածի դրույթներով,

Ո Ր Ո Շ Ե Ց Ի

Ոչ պատշաճ պատասխանող Մազիթ Սարգի Ամարյանին փոխարինել պատշաճ պատասխանող Մաջիտ Ֆարգի Ամարյանով:

Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ



Ն.ԹՈՐՈՍՅԱՆ